

Guilielmo placebat: *Efflagrarent*. Nobis in presenti arridet erudita *Bosij* nostri conjectura, qui *effragrarentur* vel *effragrarent* fuisse putat. Verba Græca apud *Xenophontem* reperies.

§. VIII.

Quoniam verò jucunda res est, scire & consensum nationum, & explorare studia summorum Virorum, non pigrabimur abire in exempla alia, non omnia quidem, nec illustriora, sed illa tantum, quæ nobis sunt nota. Recensebimus verò pleraque ita, ut extremo tantum digito ea tangamus. Et quidem ex Persis notius jam est Cyri exemplum studiumque colendi hortos, quam ut hic repeti debeat prolixius. De Artaxerxe verò Scriptura *Esth. cap. 7. v. 7.* dicit, quod sanguinolento Hamani consilio ad iracundiam commotus, relictis palatio ingressus fuerit hortum aulae vicinum, quem procul dubio Rex manu sua colebat; id enim, teste *Xenephonte lib. 5. Memorab.* antiquis Regibus in laude ponebatur. Progredi nunc ex Persia lubet in Syriam, quæ ita amore exarserat in hortos, ut in commune verbum abiret: *Multa Syrorum olera.* Quin nec viri solum, sed mulieres quoque sibi exinde & gloriam & nomina quærebant in multa secula victura; quæ felicis hortis suis assequeretur Semiramis, quam multi alii suis tropæis. Nec apud alias gentes horti suis destituebantur cultoribus, & apud Phæaces quidem Alcinous, Corinthios Tantalus, Afros Atlas, Turcas Mahometus Turcarum Tyrannus: Illyricos Gentius, Mauritanos Juba horticulturne operam dabant, adeò felici successu, ut superstitiosa antiquitas non miraretur solum omnes, sed etiam ex iis pro Numinibus coleret nonnullos. Apud Romanos tam vetus ea cura fuit, ut & Hortensii, Apii, Cicerones, Lactucini, Pisones, Fabii, Lentuli & Cepiones, antiquissimæ familiæ, sibi inde nomina sumerent, & Reges primitus ex hortis instruerentur; quod satis pulchre, ut solet, ostendit antea laudatus *Ferrarius cit. loc.* Unde Tarquinius iste non adeò erat Superbus, quin sapius animum ad papaverum curas declinaret. Propius nunc ad nostra tempora accedimus, ubi non ignobiliora reperimus exempla. Ex
Impe-